



# Icyegeranyo cy'amakuru y'imikino yaranze icyumweru

2023

Taliki 02-05 Kamena



P.1 Football : Rayon Sports yegukanye igikombe cy'Amahoro 2023

## Ijambo ry'ibazze

Komite Olempike y'u Rwanda yashyizeho iki cyegeranyo mu rwego rwo kurushaho kumenyekanisha ibikorwa byayo n'iby'abanyamuryango bayo (Amashyirahamwe y'lmikino mu Rwanda) hagamijwe gukomeza guteza imbere siporo no kuyikundisha Abanyarwanda muri rusange by'umwihariko abakiri bato.

Iki cyegeranyo gikubiyemo amakuru n'ibikorwa bya siporo byaranze icyumweru, kikazajya gisohoka rimwe mu cyumweru.

Ntigisimbura kandi izindi nzira Komite Olempike y'u Rwanda isanzwe ikoresha mu kugeza amakuru ku banyamuryango bayo n'abanyarwanda muri rusange.

## Ibirimo

- P1 **Football:** Rayon Sports yegukanye igikombe cy'Amahoro 2023
- P2 **Volleyball:** GS St Joseph na GS St Aloys zegukanye shampiyona y'icyiciro cya kabiri
- P3 **Basketball:** Uko imikino ya shampiyona yagenze
- P4 **Football:** Ikipe y'u Rwanda yongeye kwegukana igikombe cy'Isi cy'amarerero ya PSG
- P5 **Athletics:** Sina Gerard AC na UR Huye AC zitwaye neza muri shampiyona y'igihugu
- P6 **ARPST:** RwandAir FC na REG BBC zegukanye irushanwa ryo Kwibuka
- P6 **Cricket:** Indatwa Hampshire CC yegukanye "RCA Dafabet Women's T20 Tournament 2023"
- P7 **Handball:** Police HBC na Kiziguro SS zegukanye irushanwa ryo Kwibuka
- P8 **Kung Fu Wushu:** Amb. Wang Xuekun yitabiriye siporo rusange
- P8 **Cycling:** Mwamikazi yegukanye umudali wa zahabu muri Afurika y'Epfo
- P9 **Volleyball:** APR VC yitwaye neza mu mikino y'umunsi wa kabiri ya shampiyona
- P10 **Amputee Football:** RAFA yagiranye amasezerano y'ubufatanye na FERWAFA
- P10 **Triathlon:** Uko ikipe y'u Rwanda yitwaye muri "IRONMAN 70.3 Durban 2023"
- P11 **Taekwondo:** Police TC yitwaye neza muri "Korean Ambassador's Cup 2023"
- P12 **Rugby:** Abakinnyi n'Abasifuzi bishimiye amahugurwa bahawé na FoRR

## Football : Rayon Sports yegukanye igikombe cy'Amahoro 2023

Ikipe ya Rayon Sports yegukanye igikombe cy'Amahoro 2023 itsinze ku mukino wa nyuma ikipe ya APR FC igitego 1-0, umukino wabereye kuri Sitade Mpuzamahanga ya Huye, taliki O3 Kamera 2023. Igitego cya Rayon Sports cyatsinzwe na Ngendahimana Eric ku munota wa 40.

Iyi kipe ya Rayon Sports yaherukaga kwegukana iki gikombe cy'Amahoro muri 2016 nabwo ikaba yari yatsinze APR FC ku mukino wa nyuma igitego 1-0 cyatsinzwe na Ismaila Diarra.

Ikipe ya Rayon Sports nyuma yo kwitwara neza ikegukana iki gikombe cy'Amahoro yahawe miliyoni 10 z'amafaranga y'u Rwanda ndetse haniyongeraho ishimwe rya miliyoni 12 yagenewe n'umuterankunga mukuru w'iyi kipe "SKOL".

Ikipe ya APR FC iheruka iki gikombe cy'Amahoro muri 2017 yahawe miliyoni 5 naho Mukura yegukanye umwanya wa 3 itsinze Kiyovu igitego 1-0 ihabwa miliyoni 3.

Gutwara igikombe cy'Amahoro byahesheje ikipe ya Rayon Sports kuzaserukira u Rwanda mu mikino y'Afurika y'amakipe yitwaye neza iwayo "Total Energies CAF Confederation Cup 2023-2024". Iyi kipe ya Rayon Sports yaherukaga kwitabira imikino y'Afurika muri 2019 aho yaviriyemo mu ijonnora rya mbere "Round 1" gusa muri 2018, ikipe ya Rayon Sports yitwaye neza igera muri  $\frac{1}{4}$  muri "Total Energies CAF Confederation Cup 2018".



Taliki O3 na O4 Kamenza 2023 muri GS St Joseph i Kabgayi mu Karere ka Muhanga habereye imikino ya nyuma ya shampiyona y'icyiciro cya kabiri muri Volleyball mu bahungu n'abakobwa "Serie B".

Ikipe ya GS St Joseph Kabgayi mu bahungu na GS St Aloys Rwamagana ni zo zegukanye igikombe cya shampiyona. Iyi shampiyona ikaba yari imaze amezi 6 ikinwa.

Mu bahungu hitabiriye amakipe 14 harimo 2 ya za Kaminuza naho andi akaba ari amashuri yisumbuye.

Aya makipe yari agabanyije mu matsinda abiri aho itsinda A ryari rrimo College du Christ Roi, Gisagara Volleyball Academy, GSO Butare, College St Ignace Mugina, College Ste Marie Reine Kabgayi, Gitisi TVET na UR-Nyarugenge. Itsinda B ryari rigizwe na PSVF, Nyaruguru VC, Rusumo High School, Nyanza TSS, GS St Joseph Kabgayi, UR- Busogo na St Trinity Ruhango.

Nyuma y'imikino isanzwe, muri buri tsinda hazamutse amakipe 4, yose hamwe aba 8 akina imikino ya kamarampaka "Playoffs" aho yari yashyizwe mu matsinda 2 nyuma muri buri tsinda hakomeje amakipe 2.

Amakipe 4 yakinne hagati yayo maze ikipe ya GS St Joseph Kabgayi yitwara neza itsinda imikino yose uko ari 3 yegukana igikombe. Iyi kipe yatsinze PSVF amaseti 3-0, itsinda College du Christ Roi amaseti 3-2 inatsinda Nyanza TSS amaseti 3-0.

## Uko amakipe yakurikiranye

Ikipe ya GS St Joseph Kabgayi (1), Nyanza TSS (2), PSVF (3), Christ Roi (4), UR Nyarugenge (5), UR CAVM (6), GSO Butare (7) na Gisagara VA (8).

Mu cyiciro cy'abakobwa, hitabiriye amakipe 5 harimo ikipe imwe ya Kaminuza ari yo UR-Busogo (UR-CAVM). Aya ni GS St Aloys Rwamagana, Institut Ste Famille Nyamasheke, GS St Joseph Kabgayi, Ecole Ste Bernadette Kamonyi na UR-Busogo.

Nyuma yo gukina hagati yayo, amakipe 4 ni yo yakinne imikino ya kamarampaka "Playoffs". Aya makipe yakinne hagati yayo maze ikipe GS St Aloys Rwamagana yitwara neza yegukana igikombe nyuma yo gutsinda imikino yose.

## Uko amakipe yakurikiranye

Ikipe ya GS St Aloys Rwamagana (1), Ecole Ste Bernadette Kamonyi (2), Institut Ste Famille Nyamasheke (3) na GS St Joseph Kabgayi (4).



# Basketball: Uko imikino ya shampiyona yagenze

Taliki O2 na O3 Kamena 2023 habaye imikino ya shampiyona mu mukino wa Basketball y'icyiciro cya mbere mu bagabo n'abagore ndetse n'iyo mu cyiciro cya kabiri mu bagabo.

## Uko imikino yagenze

**RWANDA BASKETBALL LEAGUE 2023  
MEN'S DIV 1 - DAY 19 RESULTS  
FRIDAY 02/06/2023**

**SECOND ROUND**

	ORION BBC	<b>88-85</b>	ESPOIR BBC	
	PATRIOTS BBC	<b>73-64</b>	UGB	
	SHOOT 4 STARS	<b>66-97</b>	APR BBC	
	REG BBC	<b>64-48</b>	TIGERS BBC	

**RWANDA BASKETBALL LEAGUE 2022-2023  
MEN DIV1 | ROUND 2 RANKING 04/06/2023**

RANK	TEAM	PG	W	L	F	PTS	FOR	AGAINST	GD
1	REG BBC	18	17	1	0	35	1667	1082	585
2	ESPOIR BBC	19	14	5	0	33	1589	1323	266
3	UGB	21	10	11	0	31	1467	1478	-11
4	K TITANS BBC	19	11	8	0	30	1523	1357	166
5	ORION BBC	19	11	8	0	30	1426	1406	20
6	PATRIOTS BBC	16	14	2	0	30	1264	897	367
7	TIGERS BBC	19	10	9	0	29	1320	1248	72
8	APR BBC	14	12	2	0	26	1276	753	523
9	SHOOT 4 STARS BBC	20	6	13	1	25	1325	1600	-275
10	RP-IPRC KIGALI BBC	21	2	19	0	23	1314	1804	-490
11	RP-IPRC MUSANZE	21	1	20	0	22	1070	2026	-956
12	RP-IPRC HUYE BBC	17	4	13	0	21	1155	1442	-267

PG: PLAYED GAMES W: WIN L: LOSS PTS: POINTS GD: GOAL DIFFERENCE



**WOMEN CAT - DAY 5 RESULT  
FRIDAY 02/06/2023**

**SECOND ROUND**

	APR BBC	<b>52-59</b>	REG BBC	
<b>SATURDAY 03/06/2023</b>				
	GS MARIE REINE	<b>90-43</b>	GS GAHINI	
	UR HUYE BBC	<b>46-44</b>	UR KIGALI	

**RWANDA BASKETBALL LEAGUE 2022-2023  
WOMEN CAT | 2ND ROUND RANKING 04/06/2023**

RANK	TEAM	PG	W	L	F	PTS	FOR	AGAINST	GD
1	APR BBC	11	10	1	0	21	948	478	470
2	REG BBC	11	10	1	0	21	1006	521	485
3	GS MARIE REINE BBC	11	6	5	0	17	766	553	213
4	RP-IPRC HUYE BBC	9	5	4	0	14	670	562	108
5	GS GAHINI BBC	9	5	4	0	14	434	547	-113
6	THE HOOPS RWA	9	3	6	0	12	483	606	-123
7	UR KIGALI BBC	11	1	10	0	12	400	906	-506
8	UR HUYE BBC	11	1	9	1	11	409	943	-534

PG: PLAYED GAMES W: WIN L: LOSS PTS: POINTS GD: GOAL DIFFERENCE

**RWANDA BASKETBALL LEAGUE 2023  
MEN'S DIV 2 - DAY 12 RESULTS  
SATURDAY 03/06/2023**

**SECOND LEG**

<b>INTARE</b>	<b>71-79</b>	THE HOOPS
<b>ITS KIGALI</b>	<b>76-55</b>	UR KIGALI
<b>KARONGI</b>	<b>20-0</b>	KICUKIRO BUCKETS
<b>FLAME</b>	<b>66-85</b>	INSPIRED GENERATION
<b>BLACK THUNDERS BC</b>	<b>0-20</b>	WIBENA
<b>AZOMCO</b>	<b>20-0</b>	SPARTANS

**RWANDA BASKETBALL LEAGUE 2022-2023  
MEN DIV 2 | DAY 12 RESULTS 04/06/2023 - GROUP A**

RANK	TEAM	PG	W	L	F	PTS	FOR	AGAINST	GD
1	RUSO BBC	13	13	0	0	26	1003	770	233
2	ITS KIGALI BBC	15	11	4	0	26	1007	966	131
3	THE HOOPS	14	11	3	0	25	1030	883	147
4	INTARE BBC	15	9	7	0	23	1016	941	75
5	KARONGI BBC	14	9	8	0	22	862	773	139
6	UR KIGALI BBC	16	5	11	0	21	1023	1041	-18
7	ELITE BBC	16	5	11	0	21	1046	1041	5
8	KICUKIRO BUCKETS	15	5	9	1	19	858	846	12
9	UK BBC	14	0	13	1	13	612	1336	-724

PG: PLAYED GAMES W: WIN L: LOSS PTS: POINTS GD: GOAL DIFFERENCE

**RWANDA BASKETBALL LEAGUE 2022-2023  
MEN DIV 2 | 2ND ROUND RANKING 04/06/2023 - GROUP B**

RANK	TEAM	PG	W	L	F	PTS	FOR	AGAINST	GD
1	KEPLER BBC	15	14	1	0	29	1150	757	393
2	INSPIRED GENERATION	15	13	2	0	28	1216	749	467
3	FLAME BBC	15	9	6	0	24	1075	938	137
4	AZOMCO BBC	14	10	4	0	24	816	822	-6
5	WIBENA BBC	15	8	7	0	22	882	889	53
6	UR HUYE BBC	14	6	8	0	20	943	107	-74
7	BLACK THUNDERS BBC	16	4	11	1	19	768	1178	-390
8	REBORN BB ACADEMY	14	2	12	0	16	700	933	-233
9	SPARTANS BBC	14	0	13	1	13	563	950	-387

PG: PLAYED GAMES W: WIN L: LOSS PTS: POINTS GD: GOAL DIFFERENCE

## Athletics : Sina Gerard AC na UR Huye AC zitwaye neza muri shampiyona y'igihugu

Taliki O4 Kamena 2023 kuri Sitade ya Bugesera, Shampiyona y'imikino ngororamubiri "National Track and Field Championship 2023". Ikipe ya Sina Gerard AC ni yo yitwaye neza mu bagore naho UR Huye AC yitwara neza mu bagabo.

Iyi shampiyona yateguve n'ishyirahamwe ry'imikino ngororamubiri mu Rwanda "RAF" yari yitabiriwe n'amakipe atandukanye arimo APR AC, Police AC, UR-Huye AC, Kavumu AC, Kamonyi AC, NAS AC, Rutsiro AC na Sina Gerard AC.

Abakinni bitabiriye basiganwa mu byiciro bitandukanye birimo metero 1000, 1500, 800, 400, 200, 100, 400x4, 100x4, kunaga intosho "Shot Put", gutera ingasire "Discus throw", gutera umuhunda "Javelin throw" no gusimbuka umurambararo "Long Jump".

Muri rusange, ikipe ya Sina Gerard AC ni yo yegukanye umwanya wa mbere mu bagore aho yatwaye imidali 26 hari 15 ya zahabu, 8 ya Feza n'indi 3 y'Umulinga.

Ikipe ya UR Huye AC ni yo yegukanye umwanya wa mbere mu bagabo aho yatahanye imidali 10 harimo 6 ya zahabu, 1 wa Feza n'indi 3 y'Umulinga.



## ARPST: RwandAir FC na REG BBC zegukanye irushanwa ryo Kwibuka

Ikipe ya RwandAir FC mu mupira w'amaguru mu bagabo na REG BBC mu bagore ni zo zegukanye irushanwa Mpuzamahanga ryo Kwibuka abari muri siporo bishwe muri Jenoside yakorewe Abatutsi mu 1994.

Iri rushanwa ryateguve n'ishyirahamwe ry'Imikino y'Abakozi mu Rwanda "ARPST" ku bufatanye na Minisiteri ya Siporo "MINISPORTS" na Komite Olempike y'u Rwanda, ryabaye kuva taliki O2 kugeza O4 Kamena 2023.

Muri iri rushanwa hakinwe umupira w'amaguru mu bagabo hari amakipe 6 ari yo RBC, RwandAir, BK, Ubumwe Grande Hotel, Ikigo cy'Igihugu cy'Ibarurishamibare "NISR" na Eawassca (Kenya) naho muri Basketball mu bagore hari amakipe 4 ari yo REG, Cok, RSSB na Kaminuza y'u Rwanda "UR".

Mu mupira w'amaguru, ikipe ya RwandAir FC yitwaye neza yegukana igikombe itsinze Ikigo cy'Igihugu cy'Ibarurishamibare "NISR" kuri penaliti 4-2 nyuma yo kunganya ibitego 2-2 mu minota 90. Ikipe ya RBC yabonye umwanya wa Gatatu nyuma yo gutera mpaga Eawassca FC yo muri Kenya.

Muri Basketball, ikipe ya REG BBC ni yo yegukanye igikombe itsinze RSSB ku mukino wa nyuma. Muri iki ciciro, UR yabaye iya Gatatu.



## Football : Ikipe y'u Rwanda yongeye kwegukana igikombe cy'lsi cy'amarerero ya PSG

Taliki 02 kugeza 05 Kamena 2023, i Paris mu Bufaransa habereye imikino y'igikombe cy'lsiihuza amashuri y'umupira w'amaguru y'ikipe ya PSG yo mu Bufaransa "PSG Academy Wolrd Cup 2023".

Iyi mikino yabaye mu byiciro bibiri harimo icyiciro cy'abari munsi y'imyaka 11 ndetse n'abari munsi y'imyaka 13.

Mu cyiciro cy'abatarengeje imyaka 11 "U-11", ikipe y'u Rwanda yari iri mu itsinda A hamwe na Kuwait, Turkey na France. Itsinda B rrimo Brazil, USA West, Canada na UAE naho itsinda C rrimo Qatar, South Korea, French West Indies, Egypt na USA East.

Muri iki cyiciro, ikipe y'u Rwanda yegukanye igikombe itsinze Brazil kuri penaliti 3-2 nyuma yo kunganya igitego 1-1.

Mu batarengeje imyaka 13 "U-13", itsinda A ryari rigizwe na Egypt, Senegal, Brazil, French West Indies na USA East. Itsinda B rrimo u Rwanda, Turkey, France, UK na South Korea naho itsinda C rigizwe na Kuwait, Qatar, USA West na UAE.

Muri iki cyiciro, ikipe y'u Rwanda yegukanye igikombe itsinze Brazil kuri penaliti 4-3 nyuma yo kunganya igitego 1-1.

Mu mikino iheruka muri Gicurasi 2022, ikipe y'u Rwanda U-13 na bwo yari yegukanye igikombe itsinze Brazil.

Muri uyu mwaka wa 2023, iyi mikino ihuza amarerero ya PSG ku lsi hose yari yitabiriwe n'amakipe 60, abakinni 500 baturutse mu bihugu 20. Iyi mikino yabereye kuri Sitade y'ikipe ya PSG "Parc Des Princes" i Paris.

Kuva muri 2019, ikipe ya PSG yagiranye amasezerao y'ubufatanye n'u Rwanda mu kwamamaza gahunda ya Visit Rwanda, azageza muri 2025. Kuva mu Gushyingo 2021 iyi kipe yatangije irerero mu Karere ka Huye mu rwego rwo gufasha mu iterambere ry'umupira w'amaguru mu Rwanda.



Taliki 04 Kamenya 2023 kuri Sitade Mpuzamahanga ya Gahanga hasojwe irushanwa "RCA Dafabet Women's T20 Tournament 2023" aho ikipe ya Indatwa Hampshire CC yegukanye igikombe itsinze ku mukino wa nyuma ikipe ya Sorwathe CC.

Iri rushanwa ryateguwe n'ishyirahamwe ry'umukino wa Cricket mu Rwanda "RCA" ku bufatanye na Dafabet ryatangiye taliki 14 Gicurasi 2023 aho ryitabiriwe n'amakipe 5 asanzwe akina shampiyona y'icyiciro cya mbere mu bagore ari yo Gahanga Queens CC, Indatwa Hampshire CC, Charity CC, Sorwathe CC na White Clouds CC.

Aya makipe yakinnye hagati yayo hanyuma ikipe ya Indatwa Hampshire CC isoza iyoboye n'amanota 8 ikurikirwa na Sorwathe CC (6), Gahanga Queens CC (4), Charity CC (2) na White Clouds CC (0).

Mu gusoza iri rushanwa, ikipe ya mbere yahuye n'iya kabiri mu guhatanira igikombe naho iya 3 n'iya 4 zihatanira umwanya wa 3.

Ikipe ya Indatwa Hampshire CC yitwaye neza itsinda Sorwathe CC ihita yegukana igikombe.

Mu guhatanira umwanya wa 3, ikipe ya Gahanga Queens CC yitwaye neza itsinda Charity CC.

#### DAFABETS RCA T20 WOMENS LEAGUE DIV1 2023

(Final) 20 Ov. 🏆

GAHANGA CRICKET STADIUM, Kigali, 04-Jun-23 01:14 PM

SORWATHE WOMEN CC

**70/10** (16.4 Ov)

INDATWA HAMPSHIRE WOMEN CC

**73/2** (12.5 Ov)

Indatwa Hampshire Women CC won by 8 wickets

#### DAFABETS RCA T20 WOMENS LEAGUE DIV1 2023

(Third Position) 20 Ov. 🏆

GAHANGA CRICKET STADIUM, Kigali, 04-Jun-23 08:58 AM

CHARITY WOMEN CC

**78/7** (20.0 Ov)

GAHANGA QUEENS

**79/7** (14.2 Ov)

Gahanga Queens won by 3 wickets

Ikipe ya Indatwa Hampshire CC yegukanye igikombe yahewe sheki ya miliyoni 1 y'amarangana y'u Rwanda aho ikipe ya Sorwathe CC yabaye iya kabiri ihabwa ibihumbi 500.

Mu bakinnyi ku giti cyabo bahawe ibihembo, Ishimwe Gisele (Indatwa Hampshire CC) yahewe igihembo cy'uwarushije abandi gukubita agapira "Best Batter" akaba yarahewe ibihumbi 100 by'amarangana y'u Rwanda.

Sifa Ingabire (Indatwa Hampshire CC) yahewe igihembo n'uwarushije abandi gukina mu kibuga hagati "Best Fielder" anahabwa ibihumbi 70.

Ishimwe Henriette ukinira ikipe ya Indatwa Hampshire yahewe ibihembo 3 birimo icy'uwahize abandi mu gutera agapira "Best Bowler", yahewe ibihumbi 100. Yegukanye igihembo cy'uwatsinze amanota 6 inshuro nyinshi zigera kuri 6 "Most Six" ahabwa ibihumbi 70 ndetse anahembwa nk'umukinnyi witwaye neza mu irushanwa ryose "Player of the Tournament" aho yahewe ibihumbi 200.



## Handball: Police HBC na Kiziguro SS zegukanye irushanwa ryo Kwibuka

Ikipe ya Police HBC mu bagabo na Kiziguro SS mu bagore ni zo zegukanye irushanwa ryo Kwibuka abari abakinnyi, abatoza, abasifuzi, abayobozi n'abakunzi b'umukino wa Handball bishwe muri Jenoside yakorewe Ababutsi mu 1994 "Handball Genocide Memorial Tournament 2023".

Iri rushanwa ryateguve n'ishyirahamwe ry'umukino wa Handball mu Rwanda "FERWAHAND" ku bufatanye na Minisiteri ya Siporo 'MINISPORTS" na Komite Olempike y'u Rwanda ryabaye taliki O3 na O4 Kamera 2023 ribera ku bibuga bya UR Remera, Kimisagara na Kigali Pele Stadium i Nyamirambo.

Mu bagabo iri rushanwa ryitabiriwe n'amakipe 8 aho yari agabanyije mu matsinda abiri, itsinda A ryari rigizwe na Gicumbi HBT, UR-Rukara, Makerere University na ES Kigoma naho itsinda B rigizwe na Police HBC , Nyakabanda, APR HBC na UR-Huye.

Mu bagore iri rushanwa ryitabiriwe n'amakipe 7 aho yari agabanyije mu matsinda abiri, itsinda A ryari rrimo Kiziguro SS, Three Stars na Ngome HC (Tanzania) naho itsinda B rigizwe na ISF Nyamasheke, UR-Huye, UR-Rukara na University of Kigali (UoK).

### Uko imikino ya nyuma yagenze

#### Mu bagabo

##### Imikino ya ½

- Gicumbi HBT **39-27** APR HBC
- Police HBC **40-20** UR Rukara



#### Umwanya wa 3

- APR HBC 21-19 UR Rukara

#### Umukino wa nyuma

- Police HBC **41-39** Gicumbi HBT



#### Mu bagore

##### Imikino ya ½

- Kiziguro SS **32-17** UoK
- Ngome HC **22-20** ISF Nyamasheke



#### Umwanya wa 3

- ISF Nyamasheke **26-11** UoK

#### Umukino wa nyuma

- Kiziguro SS **27-18** Ngome HC



## Kung Fu Wushu: Amb. Wang Xuekun yitabiriye siporo rusange

Ku butumire bw'ishyirahamwe ry'umukino wa Kung Fu Wushu mu Rwanda "RKWF", Ambasaderi w'u Bushinwa mu Rwanda, Wang Xuekun ari kumwe n'umugore we bitabiriye siporo rusange "Car Free day" isanzwe ikorwa ku cyumweru cya mbere cy'ukwezi mu Mujyi wa Kigali.

Iki gikorwa cyabaye taliki O4 Kamena 2023 aho Amb. Wang Xuekun ari kumwe na Perezida wa RKWF, Uwiragiye Marc ndetse na bamwe mu bakinnyi ba Kung Fu Wushu mu Rwanda bakoze urugendo rurenga isaha nyuma bifatanya n'abandi bari bitabiriye iyi siporo mu myitozo ngororamubiri nyuma Amb. Wang Xuekun akora imiyerekero ya Tai Chi.

Ubuyobozi bwa RKWF bwagaragaje ko bishimiye iki gikorwa kuko kiri muri gahunda yo kumenyekanisha umukino wa Kung Fu Wushu usanzwe ukomoka mu Bushinwa.



## Cycling: Mwamikazi yegukanye umudali wa zahabu muri Afurika y'Epfo

Muri iri rushanwa, u Rwanda rwaserukiwe n'abakinni 2 ari bo Mwamikazi Djazilla mu bakobwa batarengeje imyaka 23 "Women U-23" ndetse na Habimana Jean Eric mu bagabo "Men Elite".

Mu bakobwa batarengeje imyaka 23 "Women U-23".

Mwamikazi yegukanye umwanya wa mbere aho muri kilometero 16 yakoresheje isaha 1, iminota 40 n'amasegoda 42, yakurikiwe na Van Der Walt Anneke (South Africa) wakoresheje isaha 1, iminota 42 n'amasegonda 16 naho ku mwanya wa 3 haza Shakir Raja wakoresheje isaha 1, iminota 43 n'amasegonda 51.

Mu bakuru "Women Elite", Lill Candice yegukanye umwanya wa mbere akoresheje isaha 1, iminota 26 n'amasegonda 2, yakurikiwe na Jacobs Tyley wakoresheje isaha 1, iminota 29 n'amasegonda 9 naho ku mwanya wa 3 haza Hill Sarah wakoresheje isaha 1, iminota 37 n'amasegonda 25. Aba bakinnyi bose bakomoka muri Afurika y'Epfo.

Mu bagabo "Men Elite", Habimana Jean Eric yasoreje ku mwanya wa 17 aho muri kilometero 24 yakoresheje isaha 1, iminota 31 n'amasegonda 53. Muri iki cyiciro uwabaye uwa mbere ni Buys Philip ukomoka muri Afurika y'Epfo akaba afite imyaka 35 y'amavuko. Yakoresheje isaha 1, iminota 28 n'amasegonda 28 yakurikiwe na Van Zyl Johan (South Africa) wakoresheje isaha 1, iminota 29 n'amasegonda 50 naho ku mwanya wa 3 haza Terlouw Jaedon (South Africa) wakoresheje isaha 1, iminota 30 n'amasegonda 49.



## Volleyball: APR VC yitwaye neza mu mikino y'umunsi wa kabiri ya shampiyona

Taliki 03 na 04 Kamena 2023 ni bwo habaye imikino y'umunsi wa kabiri muri shampiyona y'icyiciro cya mbere mu bagore n'abagabo mu mukino wa Volleyball.

Iyi mikino yabereye mu Karere ka Huye na Gisagara, ikipe ya APR VC mu bagabo n'abagore zitwaye neza.

Mu bagabo, ikipe ya APR VC yitwaye neza itsinda imikino itatu aho yatsinze IPRC Ngoma VC amaseti 3-0 (25-12, 25-22 na 25-20), yatsinze Police VC amaseti 3-1(22-25, 25-20, 26-24 na 25-22) nyuma itsinda Gisagara VC amaseti 3-2 (22-25,25-23,16-25, 25-13 na 15-13).

Mu bagore, ikipe ya APR VC yitwaye neza itsinda imikino ibiri, yatsinze IPRC Huye amaseti 3-0 (25-06,25-11 na 25-10) inatsinda Ruhango VC amaseti 3-0 (25-14,25-20 na 25-09).

Imikino y'umunsi wa 3 biteganyijwe ko izaba taliki 17 na 18 Kamena 2023.



**FRVB NATIONAL VOLLEYBALL LEAGUE**

**PHASE 1 - ROUND 2 MEN - RESULTS**

**SATURDAY - 03.06.2023**

GISAGARA COURT 1	
POLICE VC	3-1 25-13, 26-25, 22-25, 25-18
KIREHE VC	
GISAGARA COURT 2	
REG VC	3-1 25-25, 25-22, 16-26-19
IPRC MUSANZE	
GISAGARA COURT 1	
KVC	1-3 02-25, 05-25, 23-14-20
GVC	
GISAGARA COURT 2	
IPRC NGOMA	0-3 02-23, 22-26, 25-20
APR VC	
GISAGARA COURT 2	
IPRC MUSANZE	3-1 25-22, 28-24, 23-26, 25-19
KIREHE VC	
GISAGARA COURT 1	
APR VC	3-1 02-25, 25-26, 24-25-22
POLICE VC	
SUNDAY - 04.06.2023	
GISAGARA COURT 2	
IPRC NGOMA	3-1 05-14,22, 25-29, 20-25-25
KIREHE VC	
GISAGARA COURT 1	
POLICE VC	3-0 05-02, 29-23, 29-46
REG VC	
GISAGARA COURT 2	
IPRC MUSANZE	3-1 05-14, 20-25, 20-21, 25-20
KVC	
GISAGARA COURT 2	
KVC	2-3 02-25, 25-20, 25-19, 26-19-15
IPRC NGOMA	
GISAGARA COURT 1	
GVC	2-3 05-22, 23-25, 25-16, 19-25, 01-15
APR VC	




**FRVB NATIONAL VOLLEYBALL LEAGUE**

**PHASE 1 - ROUND 2 WOMEN - RESULTS**

**SATURDAY - 03.06.2023**

IPR HUYE COURT	
APR WVC	3-0 25-14, 25-17, 25-10
IPRC HUYE	
IPR HUYE COURT	
RRA WVC	3-0 25-14, 25-17, 25-16
IPRC KIGALI	
IPR HUYE COURT	
IPRC KIGALI	1-3 09-25, 25-16, 16-25, 25-25
RUHANGO WVC	
IPR HUYE COURT	
POLICE WVC	3-0 25-14, 25-17, 25-10
IPRC HUYE	
SUNDAY - 04.06.2023	
IPR HUYE COURT	
APR WVC	3-0 25-14, 25-20, 25-19
RUHANGO WVC	
IPR HUYE COURT	
POLICE WVC	1-3 09-25, 25-25, 25-30, 20
RRA VC	



## Amputee Football: RAFA yagiranye amasezerano y'ubufatanye na FERWAFA

Taliki O2 Kamena 2023 ku cyicaro cy'ishyirahamwe ry'umupira w'amaguru mu Rwanda "FERWAFA" i Remera hasinywe amasezerano y'ubufatanye hagati y'ishyirahamwe ry'umupira w'amaguru mu bantu bafite ubumuga mu Rwanda "Rwanda Amputee Football Association". Ubu bufatanye bukaba bugamije kuzamura uyu mukino mu Rwanda.

Aya masezeno y'ubufatanye yashyizweho umukono na Perezida w'agateganyo wa FERWAFA, Habyarimana Marcel na Perezida wa RAFA, Rugwiyo Audace.

Bimwe mu bikubiye muri aya masezerano harimo amahugurwa y'abantu mu byiciro bitandukanye bazafasha mu iterambere ry'umupira w'amaguru w'abantu bafite ubumuga ndetse kongerera ubushobozi amakipe mu bagabo n'abagore.



## Triathlon: Uko ikipe y'u Rwanda yitwaye muri "IRONMAN 70.3 Durban 2023"

Taliki O4 Kamena 2023 mu Mujyi wa Durban muri Afurika y'Epo habereye irushanwa "IRONMAN 70.3 Durban 2023" ryitabiriwe n'abakinni 956.

Ikipe y'u Rwanda yari yaserukiwe n'abakinni 4 ari bo Gatete Vital, Maniragaba Jack Roger na Ishimwe Heritier mu bagabo na Uwineza Hanani mu bagore. Abakinni 3 ni bo bashoboye gusoza irushanwa mu gihe Gatete Vital atasoje.

Abakinni bitabiriye irushanwa babanje gusiganwa mu Koga "Swimming" intera ya kilometero 1,9. Nyuma bakurikizaho kunyonga igare mu ntera ya kilometero 90, bazasoza basiganwa ku maguru mu ntera ya kilometero 21.1 aho muri rusange bakoze intera ya kilometero 113.

Mu bagabo, Ishimwe Heritier yasoreje ku mwanya wa 4 mu bafite imyaka hagati ya 18 na 24 muri 32, asoreza ku mwanya wa 44 mu bagabo mu bakinni 672 anasoreza ku mwanya 46 muri rusange mu bakinni 956. Uyu mukinni yakoresheje amasaha 4, iminota 57 n'amasegonda 27.

Maniragaba Jack Roger yabaye uwa 12 mu bafite imyaka hagati ya 18 na 24 mu bakinni 32, aba uwa 190 mu bakinni 672 mu bagabo anaba uwa 235 muri rusange mu bakinni 956 bose bitabiriye irushanwa. Akaba yarakoresheje amasaha 5, iminota 44 n'amasegonda 56.

Mu bagore, Uwineza Hanani yabaye uwa 20 mu cyiciro cy'abafite imyaka hagati ya 25 na 29 muri 48 aba uwa 101 mu bakinni 269 mu bagore anaba uwa 452 mu bakinni 956 bose bitabiriye. Yakoresheje amasaha 6, iminota 17 n'amasegonda 41.

Iyi kipe yari yajyanye na Perezida w'ishyirahamwe ry'umukino wa Triathlon mu Rwanda "RTF", Mbaraga Alexis, Visi Perezida, Habarugira Pierre Celestin Kaviri ndetse na Uwamukuza Jean Baptiste nk'umutoza.



## Taekwondo: Police TC yitwaye neza muri "Korean Ambassador's Cup 2023"

Ikipe ya Police TC ni yo yitwaye neza yegukana umwanya wa mbere mu irushanwa mpuzamahanga ry'umukino wa Taekwondo "Korean Ambassador's Cup 2023" ryari ribaye ku nshuro ya 10.

Iri rushanwa ryabaye taliki 03 na 04 Kamenya 2023 muri BK Arena ryari ryateguwe n'ishyirahamwe ry'umukino wa Taekwondo mu Rwanda "RTF" ku bufatanye n' Ambasade ya Koreya y'Epfo mu Rwanda aho ryahujwe no kwizihiza isabukuru y'imyaka 60 y'umubano w'ibi bihugu byombi, u Rwanda na Koreya y'Epfo ari naho uyu mukino ukomoka.

Ikipe ya Police TC ni yo yitwaye neza aho yegukanye imidali 4. Bamwe mu bakinni bitwaye neza b'iyo kipe harimo Umutesi Adeline wegukanye umudali wa zahabu na Umurerwa Nadege wegukanye umudali w'Umulinga mu cyiciro cy'abagore bafite ibiro biri hejuru ya 73.

Hari kandi Nizeyimana Savio wegukanye umudali wa zahabu mu bagabo bafite munsi y'ibiro 68 ndetse na Niyomugabo Happy wegukanye umudali wa zahabu mu bagabo bafite ibiro 73 kuzamura.

Ikipe yaje ku mwanya wa kabiri ni Dream TC naho ku mwanya wa 3 haza Kirehe TC.

Mu bakiri bato, ikipe ya Dream TC ni yo yitwaye neza ikurikirwa na White Stars TC naho ku mwanya wa 3 haza Dream Fighters TC.

Mu bakinni ku giti cyabo, Mutesi Adeline (Police TC) ni we witwaye neza mu bagore naho mu bagabo igihembo gihabwa Granma ukinira Uganda TC.

Muri iri rushanwa kandi itsinda ry'abakinni 20 baturutse i Seoul muri Koreya y'Epfo ku cyicaro gikuru cy'ishyirahamwe y'umukino wa Teakwondo ku lsi "Kukkiwon" bakaba ari aba mbere mu myiyereko ya Teakwondo ku rwego rw'lsi bakoze imiyiyereko ubwo imikino yafungurwaga ndetso n'ubwo yasozwaga.

Iri rushanwa ryitabiriwe n'abakinni basaga 250 baturutse mu makipe 23 y'imbere mu gihugu n'andi 7 yaturutse hanze y'igihugu harimo Kenya, Tanzania, Burundi, RDC, Sudani y'Epfo, Ethiopia na Botswana.



## Rugby: Abakinnyi n'Abasifuzi bishimiye amahugurwa bahawe na FoRR

Abakinnyi 10 barimo abakinira ikipe y'ighugu y'u Rwanda "Silver Backs" n'abasifuzi 17, taliki 03 Kamena 2023 bitabiriye amahugurwa y'umunsi umwe yateguve ku bufatanye bw'ishyirahamwe ry'umukino wa Rugby mu Rwanda "RRF" n'umufatanyabikorwa, Friends of Rwandan Rugby "FoRR" aho yabereye muri Camp Kigali.

Aya mahugurwa yatanzwe n'umusifuzi mpuzamahanga ukomoka mu gihugu cya Wales, Steve Jones mu rwego rwo kubahugura ibijyanye n'amategeko mashya y'uyu mukino by'umwihariko itandukaniro riri hagati y'imyitozo ihabwa abakinnyi bakuru n'abakiri bato bakina umukino uzwi nka "Tag Rugby" ndetse n'uburyo bushya bujyanye no guhana amakosa akorerwa mu kibuga.

Umwe mu bayitabiriye, Umukundwa Marie Sandrine utoza ikipe ya Kaminuza y'u Rwanda ishami rya Huye, UR-Glizzers ubifatanya no gusifura yagize ati: "Aya mahugurwa yamfashije kumenya ibijyanye n'amategeko mashya y'uyu mukino, bityo ngiye kuyasangiza abakinnyi ntoza kugira ngo bizabafashe kwitwara neza mu marushanwa ari imbere".

Steve Johns watanze aya mahugurwa yavuze ko yibanze ku bijyanye no kuzamurira urwego abasifuzi n'abakinnyi ndetse yishimira ko yasanze Rugby mu Rwanda ikomeje gutera imbere.

Nyuma y'aya mahugurwa, yasabye abasifuzi bayitabiriye gusangiza bagenzi babo ubunararibonye bahakuye mu rwego rwo gukomeza gufasha uyu mukino gutera imbere.

Perezida wa RRF, Kamanda Tharcisse wakurikiranye aya mahugurwa, yagize ati: "Guhugurwa n'umusifuzi w'inraribonye nk'uyu ni iby'abagaciro ku mukino wa Rugby imbere mu gihugu kandi ndizera ko abitabiriye aya mahugurwa bayungukiyemo byinshi".

Yakomeje asaba abitabiriye aya mahugurwa kuba abanyamwuga no guhora bihugura umunsi ku wundi, kuko akazi bakora amategeko yako ahinduka umunsi ku wundi.

Kamanda yasobanuye ko uyu mufatanyabikorwa "Friends of Rwandan Rugby" abafasha byinshi bijyanye no guteza imbere uyu mukino. Yakomeje avuga ko kuri iyi nshuro mu gihe cy'icyumweru ibikorwa byabo byakorewe mu Karere ka Karongi mu Ntara y'l burengerezuba, mu gihe mu mwaka ushize byari byabereye mu Karere ka Rwamagana mu Ntara y'l burasirazuba. Nta gihindutse, umwaka utaha bazerekeza mu Karere ka Rubavu.

Mu Karere ka Karongi, ibikorwa byo guteza imbere uyu mukino byabereye mu mashuri 4 abanza, aho abana babyitabiriye bakoze n'irushanwa mu rwego rwo kubafasha gukunda uyu mukino.

Perezida wa RRF, Kamanda yagize ati : " Muri gahunda yo guteza imbere Rugby, Friends of Rwandan Rugby idufasha no kubonera ibikoresho amakipe atandukanye mu rwego rwo kuyubakira ubushobozi".

Akaba yarabasabye gukomeza gushyira imbaraga mu bakiri bato by'umwihariko kuzamura impano nshya zikina uyu mukino nk'uko basanzwe babikora.

Kamanda yagize ati : " Mu rwego rwo kurushaho guteza imbere uyu mukino, binyuze muri aba bafatanyabikorwa ndetse natwe turi gukora ibishoboka byose ngo tubone ikibuga cya Rugby kigezweho, kandi umusanzu wabo barawutwijeje".

Friends of Rwandan Rugby "FoRR" ni umuryango udaharanira inyungu ukorera mu Bwongereza ukuba wibanda ku bikorwa bijyanye no guteza imbere umukino wa Rugby mu Rwanda, gufasha abakiri bato kugira ubuzima buzira umuze binyuze mu bikorwa bya Siporo no gutoza abakinnyi indangagaciro za Siporo.

Kugeza ubu, ibikorwa bya FoRR bikorerwa mu bigo 100 by'amashuri abanza ndetse n'abandi batandukanye batari abanyeshuri. Ibi bakaba babifashwamo n'abatoza bashinzwe gukurikirana ibikorwa bya buri munsi "Rwandan Rugby Development Officers (RDOs)".





Website: [www.olympicrwanda.org](http://www.olympicrwanda.org)

[www.olympicrwanda.org/commonwealth](http://www.olympicrwanda.org/commonwealth)

Email: [cnosr@olympicrwanda.org](mailto:cnosr@olympicrwanda.org) | @RwandaOlympic

Address: Remera-Hallmark Center Building KG 17 Ave